

# UMNQAMULAJUQU OWUKUPHELA KUKANHLABA WOKUDALULA KUKAMQASHI USUSEMOME

**PRETORIA, 24 kuNhlaba 2019** – Kukhunjuza abaqashi ukuthi konke ukuDalula (Inhloosimozimali) UkuHlanganiswa kwamaBhuku oMqashi konyaka (EMP501), iziTifiketi zeNtela zeziSebenzi [IRP5/IT3(a)s] kanye, lapho kusebenza khona, nefomu lokuDalula ukuSusa isiTifiketi seNtela (EMP601) kwesikhathi esisukela mhla lu-1 kuNdasa 2018 kuya kumhla zingama-28 kuNhlojana 2019 kumele kuthunyelwe kwa-SARS mhla zingama-31 kuNhlaba 2019.

Kubalulekile ukuthi abaqashi bathumele inhloosimozimali yonyaka ungakafiki umnqamulajuqu bese benika izisebenzi zabo izitifiketi zentela ama-IRP5/IT3(a). Lawa ngamadokhumenti ngqangi afunekayo kubakhokhintela ukuze bathumele amaphepha abo entela ngesikhathi seNtela, esiqala mhla lu-1 kuNtulikazi 2019.

Kunezinto eziku-EMP501 okumele zihambisane ukuze ukuthumela kwakho kube yimpumelelo. Yilezi:

- Amafomu okuDalula kaMqashi anyanga zonke (EMP201) okuveza ukubanjwa kwe-Pay-As-You-Earn (PAYE), isiKhwama soMshwalense wokungaSebenzi (UIF) kanye neLevi yokuThuthukiswa kwamaKhono (SDL);
- Izinkokhelo ezenziwe (ngaphandle kwezinhlawulo kanye nezinkokhelo zenzalo);
- IziTifiketi zeNtela yesiSebenzi [IRP5/IT3(a)s] ezenziwe; kanye
- nezibalo zemihlomo yeNtela yokuQsha, uma ikhona kulesi sikhathi.

Ngokucela isiTatimende se-Akhawunti emva kokuthumela ngokusebenzisa i-eFiling, abaqashi bayakwazi ukubona isikweletu esingakakhokhwa, amaphepha entela angakabuyiswa kanjalo nezinkokhelo ezingabiwe.

Ukudalula kungathunyelwa ngokusebenzisa i-e@syFile™ Employer noma i-eFiling. Uhla lwabaholelwayo olugcwaliswe ngesandla alusemukelwa. Abaqashi bayagqugquzelwa ukuba bagweme ukulinda umzuzu wokugcina ngokuthi baqinisekise ukuthi banaso isikhathi sokulungisa amaphutha, uma kunesidingo.

Amakhophi akho konke ukudalula okuthunyelwe kumele agcinwe okungenani iminyaka emihlanu.

Njengoba abakwa-SARS besebenzisa ulwazi oludalulwe abaqashi ukuze basungule amaphepha okubuyisa intela omuntu ngamunye, izisebenzi ziyakhunjuza ukuba zibeke ulwazi olusezitifiketini ze-IRP5/IT3(a) kanjalo nolwazi oluthunyelwe ezitifiketini zentela ezivela kubantu besithathu abafana nezinhlelo zezokwelapha. Uma ulwazi olusemaphepheni entela lungelona iqiniso, isisebenzi kulindeleke ukuthi siye kumqashi noma kuleso sikhungo ukuze kulungiswe lolo lwazi.

Imihlangano yokucobelelana ngolwazi yokufundisa ngentela kwa-SARS mayelana nokusetshenziswa kwe-e@syFile™ kanye nokudalulwa kokuhlanganiswa kwamabhuku komqashi konyaka kuyatholakala ngaphambi kosuku olungumnqamulajuqu kuwo wonke amagatsha emhlabeni jikelele. Isheduli iyatholakala kusizindalwazi sakwa-SARS ekhasini elithi 'Useful tools\_Learn about Tax'.

Ungashayela i-SARS Contact Centre kule nbombolo 0800 00 7277 kanti imihlahlandlela ngendlela yokubuyisa amaphepha entela ingatholakala kusizindalwazi sakwa-SARS ngaphansi kwesigaba esingaphansi kwe-Businesses and Employers.